

Facta: ita amburet misero ei coreculum carbunculus.

Th. Siquidem istaec vera sunt. *Ph.* Quid merear quamobrem mentiar?

Heus, vos, ecquis hasce aperit? *Th.* Quid istas pultas, ubi nemo intus est?

Ph. Aliò credo commissatum abiisse; abeamus nunc iam.

Ibid. Scen. III.

THE EUROPIDES, SIMO.

690. *Th.* Perii hercle: quid opus est verbis? ut verba audio,

Non equidem in Aegyptum hinc modo vectus fui;
Sed etiam in terras solas, orasque ultimas.

Sum circumvectus: ita ubi nunc sim, nescio,
Verum iam scibo: nam eccum unde aedes filius
Mens emit. Quid ais tu? *Si.* A foro incedo domum.

Th. Numquid processit ad forum tibi hodie novi?

Si. Etiam. *Th.* Quid tandem? *Si.* Vidi efferri mortuum. *Th.* Hem.

Novom! *Si.* Unum vidi mortuum efferri foras:
modo cum vixisse aiebant. *Th.* Vae capiti tuo,

700. *Si.* Quid tu otiosus res novas requiritas:

Th. Quia hodie adveni peregre. *Si.* Promisi foras:
Ad coenam ne me te vocare censeas.

Th. Haud postulo aedepol. *Si.* Verum cras, nisi quis prius

Vocaverit me, vel apud te coenavero.

Th. Ne istuc quidem aedepol postulo: nisi quod magis
Es occupatus, operam mihi da. *Si.* Maxume

Th. Minas quadraginta accepisti, quas sciām,

A Philolachete. Si. Nunquam nummum quod sciam.

Th. Quid? a Tranione servo meo? Si. Multo id minus.

710. Th. Quas ille arrhaboni tibi dedit. Si. Quid somnias?

Th. Egone? At quidem tu, qui istoc te speras modo Potesse dissimulando infectum hoc reddere.

Si. Quid autem? Th. Quod me absente tecum hic filius.

Negoti gessit. Si. Mecum ut ille hic gesserit,

Dum tu hinc abes, negoti quidquam? at quo die?

Th. Minas tibi octoginta argenti debeo.

Si. Non memini quidem hercle. Verum si debes, cedo.

Fides servanda'st, nec ire inficias postules.

Th. Profecto non negabo debere, et dabo.

720. Tu cave quadraginta accepisse hinc neges.

Si. Quaeso, aedepol huc specta, et responde mihi.

Te velle uxorem ajebat Tranio tuo nato dare;

Ideo aedificare hinc velle ajebat in tuis.

Th. Hinc aedificare volui? Si. Sic dixit mihi.

Th. Hei mihi, disperii! vocis non habeo satis,

Vicini, interii, perii. Si. Numquid Tranio

Turbavit? Th. Imo exturbavit omnia:

Te ludificatus est, et me, hodie indignis modis.

Si. Quid tu ais? Th. Haec res sic est, ut narrō tibi.

730. Ludificatus est me hodie in perpetuum modum.

Nunc te obsecro, ut me bene juves, operamque des.

Si. Quid vis? Th. I mecum obsecro te, unā simul.

Si. Fiat. Th. Servorumque operam, et lora mihi cedo.

Si. Sume. Th. Eādemque operā haec tibi narravero,

Queis me exemplis hodie ille ludificatus.

*Act. V. Scen. I.**TRANIO, THEUROPIDES.*

Tr. Qui homo timidus erit in rebus dubiis, nauci non erit.

Atque equidem quid id esse dicam verbum nauci, nescio.

Nam herus me postquam rus misit, ut filium suum arcesserem,

Abii illâ per angiportum ad hortum nostrum clanculum.

740. Ostium quod in angiportu est horti, patefeci fores.

Eâque eduxi omnem legionem, et mares¹, et feminas.

Postquam ex obsidione in tutum eduxi manipulares meos,

Capio consilium, ut senatum congerrorum convocem.

Quem quom convocavi, atque illi me e senatu segregant.

Ubi ego video rem vorti in meo foro, quantum potest,
Facio idem, quod plurimi alii, quibus res timida aut turbida est:

Pergunt turbare usque ut ne quid possit conquiescere.
Nam scio equidem nullo pacto iam esse posse clam senem.

Sed quid hoc est, quod foris concrepuit proxima vicinia.

750. Herus meus hîc quidem est: gustare ego ejus sermonem volo.

Th. Illicò intra limen astate illîc, ut quom exemplo vocem,

Continuo exsiliatis: manicas celeriter connectite.

Ego illum ante aedes praestolabor ludificatorem meum,
Quojus ego hîc ludificabo corium, si vivo, proþe.

Tr. Res palam est: nunc te videre melius st, quid agas, Tranio.

Th. Docte atque astute mihi captandum est cum illoc, ubi huc advenerit.

Non ego illi extemplo meum ostendam sensum: mittam lineam;

Dissimulabo me horum quicquam scire. *Tr.* O mortalem malum!

Alter hoc Athenis nemo doctior dici potest.

760. Verba dare illi, non magis hodie quisquam, quam lapidi, potest;

Aggrediar hominem: appellabo. *Th.* Nunc ego, ille huc veniat, velim.

Tr. Si quidem pol me quaeris, assum praesens praesenti tibi.

Th. Euge, Tranio, quid agitur? *Tr.* Veniunt rure rustici.

Philolaches iam hic aderit. *Th.* Aedepol mihi opportune advenit.

Nostrum ego hunc vicinum opinor esse hominem audacem, et malum.

Tr. Quidum? *Th.* Qui negat novisse vos. *Tr.* Negat?

Th. Nec vos sibi

Nummum umquam argenti dedisse. *Tr.* Abi, ludis me, credo: haud negat.

Th. Quid iam? *Tr.* Scio, iocaris nunc tu: nam ille quidem haud negat.

Th. Imo aedepol negat profecto, neque se has aedes Philolacheti

770. Vendidisse *Tr.* Echo, an negavit sibi datum argentum, obsecro?

Th. Quin iusiurandum pollicitus dare, si vellem, mihi;

Neque hasce aedes vendidisse; neque sibi argentum
datum.

Dixi ego istuc idem illi. *Tr.* Quid ait? *Th.* Servos
pollicitus est dare

Suos mihi omnes quaestioni. *Tr.* Nugas. Numquam
aedepol dabit.

Th. Dat profecto. *Tr.* Quin et illum in ius iube ire.
Th. Iam mane

Experiar, ut opinor, certum est. *Tr.* Mihi hominem
cedo.

Th. Quid si igitur ego arcessam homines? *Tr.* Fa-
ctum iam esse oportuit.

Vel hominem iube aedes mancipio poscere *Th.* Imo
hoc primum volo,

Quaestioni accipere servos. *Tr.* Faciendum censeo.

780. Ego interim hanc aram occupabo. *Th.* Quid ita? *Tr.*
Nullam rem sapis,

Ne enim illi huc confugere possint, quaestioni quos
dabit,

Hic ego tibi praesidebo, ne interbitat quaestio.

Th. Surge. *Tr.* Minume. *Th.* Ne occupassis, obsecro,
aram. *Tr.* Cur? *Th.* Scies

Quia id enim maxime volo, ut illi istoc confugiant;
sine.

Tanto apud indicem hunc argenti condemnabo facilius.

Tr. Quod agis, id agas: quid tu porro vis serere
negotium?

Nescis tu, quam metienlosa res sit ire ad judicem.

Th. Surge dum huc: est consulere igitur quiddam,
quod tecum volo.

Tr. Si tamen hinc consilium dedero: nimio plus sapio
sedens.

790. Tum consilia firmiora sunt de divinis locis.

Th. Surge, ne nugare: adspice dum contra me *Tr.*
Adspexi. *Th.* Vides?

Tr. Video: huc si quis intercedat tertius: pereat fame,

Th. Qui dum? *Tr.* Quia nihil quaesti siet: mali her-
cle ambo sumus.

Th. Perii. *Tr.* Quid tibi est? *Th.* Dedisti verba *Tr.*
Quì tandem? *Th.* Probe

Me emunxti. *Tr.* Vide, sis, satin' recte? Num mucii
fluant?

Th. Imo etiam cerebrum quoque omne e capite emun-
xisti meum.

Nam omnia malefacta vostra reperi radicitus.

Non radicitus quidem hercle, verum etiam eradicitus.

Numquam aedepol hodie inultus designaveris tibi.

800. Iam iuhebo ignem, et sarmenta, carnufex, circumdari.

Tr. Ne faxis: nam elixus esse, quam assus soleo sua-
vior.

Th. Exempla aedepol faciam ego in te. *Tr.* Quia pla-
ceo, exemplum expetis.

Th. Loquere; quoiusmodi reliqui, quom hinc abibam,
filium?

Tr. Cum pedibus, manibus, cum digitis, auribus, oculis,
labris.

Th. Aliud te rogo *Tr.* Aliud ego nunc tibi respondeo;
Sed ecum tui gnati sodalem video huc incedere
Callidamatem: illo praesente, mecum agito, si quid
voles.

Ibid. Scen. II.

CALLIDAMATES, THEUROPIDES, TRANIO,

Cal. Ubi somnum sepelivi omnem, atque obormivi
crapulam,

Philolaches venisse mihi suum narravit peregre hoc
patrem:

810. Quoque modo hominem advenientem servos ludifica-
tus siet,

Ait: sese metuere in conspectum illius procedere.

Nunc ego de sodalitate solus sum orator datus,
Qui a patre eius conciliarem pacem: atque eccum optime.
Iubeo te salvare, et salvos cum advenis, Theeuropides,
Peregre, gaudeo: hic apud nos hodie coenes te rogo.

Th. Callidamate, Dii te ament: de coenâ facio gratiam.

Cal. Quin venis? **Tr.** Promitte. Ego ibo pro te, si tibi
non libet.

Th. Verbero etiam irrides? **Tr.** Quian' me pro te ire
ad coenam autumo?

Th. Non enim ibis: ego, ferare, faxo, ut meruisti,
in crucem.

820. Cal. Age, mitte ista, et ito ad me ad coenam. **Tr.** Di-
venturum: quid taces?

Cal. Sed tu quid istuc confugisti in aram inscitissimus?

Tr. Adveniens perterrituit me. Loquere nunc quid fecerim.
Nunc utriusque disceptator eccum adeat: age, disputa.

Th. Filium corrupisse aio te meum. **Tr.** Ausulta modo,
Fateor peccavisse; amicam liberasse, absente te;
Foenori argentum sumsisse; id esse absumtum praedico.
Numquid aliud fecit, nisi quod faciunt summis gnat-
generibus?

Th. Hercle mihi tecum cavendum est: nimis quam ei
orator erat.

Cal. Sine me dum istuc indicare: surge; ego istic assedero.

830. *Th.* Maxume: accipito hanc ad te litem. *Tr.* Enim istic captio est,

Fac, ego ne metuam igitur, et ut tu meam timeas vicem.

Th. Iam minoris omnia facio, p^rae quam quibus modis Me ludificatus est. *Tr.* Bene hercle factum, et factum gaudeo.

Sapere istac aetate oportet, qui sunt capite candido.

Th. Quid ego nunc faciam, si amicus Demipho, aut Philonides?

Tr. Dicito iis, quo pacto servus tuus te ludificaverit.

Optumas frustrationes dederis in comoediis.

Cal. Tace parumper: sine me vicissim loqui: au^sculta. *Th.* Licet.

Cal. Omnium primum sodalem me esse scis gnato tuo.

840. *Is* adit me: nam illum prodire pudet in conspectum tuum,

Propter ea, quae fecit, quia te scire scit: nunc, te obsecro,

Stultitiae, adolescentiaeque eius ignoscas: tuus est.

Quidquid fecit nobiscum una fecit: nos delinquimus.

Foenus, sortem, sumitumque omnem, omnia

Nos dabimus: nos conferemus, nostro sumtu, non tuo.

Th. Non potuit venire orator magis ad me inpe- trabilis,

Quam tu, neque illi sum iratus: neque quicquam succenseo:

Si hoc pudet, fecisse sumtum, supplicii habeo satis.

Cal. Disputet. *Tr.* Datâ isti vehiâ, quid me siet nunc iam?

850. *Th.* Verberibus caedere, lutum pendens. *Tr.* Tamen etsi
me pudet?

Th. Interimam hercle ego si vivo. *Cal.* Fac istam
cunctam gratiam:

Tranioni remitte, queso, hanc noxiā causā meā.

Th. Aliud quidvis impetrari a me facilius perferam,
Quām ut non ego istum pro suis factis pessimis pes-
sum premam.

Cal. Mitte, queso, istunc. *Th.* Hem, viden' ut restat
furcifer?

Cal. Tranio, quiesce, si sapis. *Th.* Tu quiesce hanc
rem modo

Petere: ego illum verberibus, ut sit quietus, subegero.

Cal. Nihil opus est profecto: age iam, sine modo te
exorasier.

Th. Nolo ores. *Cal.* Quaeso hercle. *Th.* Nolo, inquam,
ores. *Cal.* Nequicquamne vis.

Hanc modo unam noxiā, unam, queso, fac causā
meā.

860. *Tr.* Quid gravaris? quasi non eras iam commeream
aliam noxiā.

Ibi utrumque, et hoc, et illud poteris ulcisci pro-
be.

Cal. Sine te exoram. *Th.* Age abi: abi impune: hem
huič habeto gratiam.

Spectatores, fabula haec est acta. Vos plausum date.

EX
MENAECHMIS.

DRAMATIS PERSONAE.

| | |
|-------------------------------|-----------------------------------|
| MENAECHMUS surreptus, | SERVUS ALIUS. |
| EROTIUM, <i>uxor eius.</i> | MEDICUS. |
| CYLINDRUS, <i>coquus.</i> | SENEX, <i>Menaechmei surrepti</i> |
| MENAECHMUS Sosicles. | <i>socer.</i> |
| MESSENIO, <i>servus eius.</i> | LORARIUS. |

ARGUMENTUM,

Mercator Siculus, cui erant gemini filii.
Ei, surrepto altero, mors obtigit.
Nomen subreptitii indit illi, qui domi est,
Avus paternus: facit Menaechmum Sosiclem.
Et is, postquam adolevit, Epidamnum devenit.
Hic fuerat auctus ille surreptitus.
Menaechmum civem credunt omnes advenam:
Eumque appellant, *uxor et socer:*
Ii se cognoscunt fratres postremò invicem.

PROLOGUS.

10. Salutem primum iam a principio propitiam
Mihi atque vobis spectatores, nuncio.
Apporto vobis Plantum linguâ, non manu,
Quaeso, ut benignis accipiatis auribus.
Nunc argumentum accipite, atque animum advortite.
Quam potero in verba conferam paucissima.
Mercator quidam fuit Syracusis Senex:
Ei sunt nati filii duo gemini,

- Ita formâ simili pueri, uti mater sua
 Non internosse posset, quae mammam dabat:
20. Neque adeo mater ipsa, quae illos pepererat;
 Ut quidem ille mihi dixit, qui pueros viderat.
 Postquam iam pueri septuennes sunt, pater
 Oneravit navem magnam multis mercibus:
 Imponit alterum geminum in navem pater:
 Tarentum avexit secum ad mercatum simul:
 Illum reliquit alterum apud matrem domi.
 Tarenti ludi sorte erant, quom illuc venit.
 Mortales multi, ut ad Iudos convenerant.
 Puer inter homines aberravit a patre.
30. Epidamniensis quidam ibi mereator fuit;
 Is puerum tollit, avehitque Epidamnum.
 Pater eius autem, postquam puerum perdidit,
 Animus despondit: eâque is aegritudine,
 Paucis diebus post, Tarenti emortu'ist.
 Postquam Syracusas de rē eā nuncius reddit
 Ad avom puerorum: puerum subductum alterum,
 Patremque pueri Tarenti esse emortuum;
 Immutat nomen avos huic gemino alteri:
 Ita illum dilexit, qui subreptus est, alterum.
40. Illius nomen indit illi, qui domi est,
 Menaechmo, idem quod alteri nomen fuit,
 Et ipsus. eodem avos est vocatus nomine.
 Propterea illius nomen memini facilius,
 Quia illum clamore vidi flagitarier.
 Ne mox erretis, iam nunc praedico prius.
 Idem est ambobus nomen geminis fratribus.
 Nunc in Epidamnum pedibus redeundum est mihi,
 Ut hanc rem vobis examussim disputem.
 Si quis quid vostrum Epidamni curari sibi
50. Velit, is audacter imperato, et dicio:

- Sed ita, ut det unde curari id possit sibi.
 Nam nisi qui argentum dederit, nugas egerit:
 Qui dederit, magis maiores nugas egerit:
 Verum illuc redeo, unde abii, atque uno asto in loco.
 Epidamniensis ille, quem dudum dixeram,
 Geminum illum puerum qui surripuit alterum,
 Ei liberorum, nisi divitiae, nihil erat.
 Adoptat illum puerum subreptitum
 Sibi filium, eique uxorem dotatam dedit.
60. Eumque haeredem fecit, quâ ipse obiit die,
 Nam rus ut ibat fortè, ut multum pluverat,
 Ingressus fluvium rapidum ab urbe haud longule
 Rapidus raptori pueri subduxit pedes,
 Abstraxitque hominem in maxumam malam crucem.
 Illi tum divitiae evenere maxume.
 Is illic habitat geminus surreptitus:
 Nunc ille geminus qui Syracusis habet,
 Ilunc quaeritatum geminum germanum suum.
 Hodie in Epidamnum venit cum servo suo,
70. Haec urbs Epidamus est, dum haec agitur fabula.

Act. I. Scen. III.

MENAECHMUS surreptus, EROTUM uxor eius.

- Me.* Apparari iube apud nos mea uxor prandium.
 Nam ego, amici tres, et Peniculus parasitus in eo
 praelio potabimus.
 Quis nostrum ibi melior bellator erit inventus cantharo
 Arbitraberis? *Tr.* Quid hoc est? *Me.* (Palla quam
 emi tibi.)
 Cape tibi hanc; quando una vivis meis morigera
 moribus.

Er. (O quam splendida)! *Me.* Scin' quid volo ego te accurare?

Er. Seio: curabo, quae voles.

Me. Iube igitur nobis apud (nos) prandium accurarier; Atque aliquid scitamentorum de loro obsonarier;

80. *Glandionidam* suillam, laridum peronidem: aut Sinciput, aut polimenta porcina, aut aliquid ad eum modum:

Atque actutum. *Er.* Licet Aecastor. *Me.* Nos prodibimus ad forum

Iam nos hic erimus: dum coquitur, interim potabimus.

Er. Quando vis, veni: peracta res erit. *Me.* Propera modo.

Er. Evocate intus Cylindrum mihi coquum actutum foras,

Ibid. Scen. IV.

EROTIUM, CYLINDRUS.

Er. Sportulam cape, atque argentum: eccos tris numeros habes?

Cyl. Habeo. *Er.* Abi: atque obsonium affer nobis, et tribus: vide quod sit satis,

Neque desiat, neque supersit. *Cyn.* Quoiusmodi hi homines erunt?

Er. Amici tres, ego et Menaechmus, et parasitus eius.

Cyl. Iam isti sunt decem:

90. Nam parasitus quatuor hominum munus facile fungitur.

Er. Eloquentia sum convivas: caeterum cura. *Cyl.* Licet. Cocta sunt: iube ire accubitum. *Er.* Redi cito. *Cyn.*

Iam ego hic ero.

Act. II. Scen. I.

MENAECHMUS *Sasicles, MESENIO servus*

Men. Nulla est voluptas navitis, Messenio,
Maior, meo animo, quām quando ex alto procul
 Terram conspiunt. *Mes.* Maior, non dicam dole,
 Si adveniens, terram videas, quae fuerit tua.
 Sed quaeso quamobrem nunc Epidamnum venimus?
 An quasi mare, omnis circumimus insulas?
 Cum merce nostrâ, quin nos hinc domum
 100. Redimus? nisi si historiam scriburi simus.

Men. Dictum facessas doctum: et discaveas malo:
Molestus ne sis: non tuo hoc fiet modo. *Mes.* Hem.
 Illoc enim verbo esse me servom scio.
 Non potuit paucis plura plāne proloqui.
 Verum nequeo me continere, quin loquar:
 Audi Menaechme, quom inspicio marsupium,
 Viaticati hercle adinodum aestive sumus.
 Nae tu hercle opinor nisi domum revertaris,
 Ubi nil habebis, geminum dam quaeris, gemes.
 110. Nam ita est haec hominum natio hic Epidamnia:
 Voluptarii atque potatores maxumi:
 Tum sycophantae, et palpatores plurimi
 In urbe hanc habitant: tum mulieres
 Nusquam perhibentur blandiores gentium.
 Propterea huic urbi nomen Epidamno editum est,
 Quia nemo ferme huc sine damno divertitur.
Men. Ego istuc cavebo. Cedo dum mihi huc marsupium.
Mes. Quid eo vis? *Men.* Ne mihi damnum in Epidamno duis.
 Tu magnus amator (vini) es; Messenio.
 120. Ego autem homo iracundus, animi perditus;

Id utrumque, argentum quando habeo, cavero
 Ne tu delinquas, neve ego irascar tibi.
Mef. Cape atque serva, me lubente, feceris.

Ibid. Scen. II.

CYLINDRUS, MENAECHMUS Sosicles,
MESSENIO.

Cyl. Bene obsonavi, atque ex meâ sententiâ
 Bonum anteponam prandium pransoribus.
 Sed eccum Menaechnum video a tergo meo,
 Prius jam convivae ambulant ante ostium
 Quâm ego obsonatu redeo. Adibo: atque alloquar.
Menaechme, salve. *Men.* Di te ament: scis quis ego
 sum?

130. *Cyl.* Non hercle vero! ubi convivae caeteri?

Men. Quos tu convivas quaeris? *Cyl.* Parasitum tuum
 et amicos.

Men. Meum parasitum et ? Certe hic infas-
 nus est homo.

Mef. Dixin' tibi esse hîc sycophantas plurimos?

Cyl. Menaechme, numeró huc advenis ad prandium.
 Nunc obsonatu redeo. *Men.* Responde mihi.
 Adolescens, quibus hîc pretiis porci veneunt
 Sacres, sinceri? *Cyl.* nummo. *Men.* eum accipe:
 Iube te piari de meâ pecuniâ.
 Nam ego quidem insanum esse te certe scio,

140. Qui mihi molestus homini ignoto quisquis es.

Cyl. Cylindrus ego sum: non nosti nomen meum?

Men. Ego te non novi, neque novisse adeo volo.

Cyl. Est tibi Menaechmo nomen tantum, quod sciam.

Men. Pro sano loqueris, cum me meo appellas nomine.
 Sed ubi novisti tu me? *Cyl.* Ubi ego te noverim?

Qui (uxorem) habeas, heram meam, hanc Erotium,
Men. Neque hercle habeo, neque quis sis homo, scio.

Cyl. Non scis, quis ego sim, qui tibi saepissime
 Cyathisso apud nos, quando potas. *Mes.* Hei mihi!

150. *Quom nihil est, illi qui homini diminuam caput.*

Men. Tun' cyathissare mihi soles, qui ante hunc diem
 Epidamnum numquam vidi, neque veni? *Cyl.* Negas?

Men. Nego hercle vero. *Cyl.* Non tu in illisce aedibus
 Habitatis? *Men.* Dii illos homines, qui illuc habitant,
 perduint?

Cyl. Insanit hic quidem, qui ipse maledicit sibi.

Audin' Menaechme? *Men.* Quid vis? *Cyl.* Si me con-
 sulas;

Nummo illo, quem mihi dudum pollicitus dare,

Iubeas, si sapias, porculum afferri tibi:

Nam tu quidem hercle, certo non sanus satis,

160. *Menaechme, qui nunc ipsus maledicas tibi.*

Mes. Heu hercle hominem multum, et odiosum
 mihi!

Cyl. Solet iocari saepe mecum illo modo:

Quantumvis ridiculus est, ubi uxor non adest.

Men. Quid ais tu? *Cyl.* Quid vis inquam? Satin' hoc
 quod vides,

Tribus vobis obsonatum est? An obsono amplius amicis,
 Tibi et parasito, et (uxori)? *Men.* Quas tu (uxores),
 Quos tu parasitos loquere? *Mes.* Quod te urget,
 scelus,

Qui huic sis molestus? *Cyl.* Quid tibi mecum est rei?

Ego te non novi: cum hoc, quem novi, fabulor.

170. *Men.* Non aedepol tute homo sanus es, certo scio.

Cyl. Iam ergo haec madebunt faxo: nihil morabi-
 tur:

Proin tu ne quo abeas longius ab aedibus.

Numquid vis? Men. Ut eas maxumam in malam cruem.

Cyl. Ire hercle melius est te interim, atque accumbere,
Dum ego haec appono ad Volcani violentiam.

Ibo intro, et dicam te hic astare (uxori);

Ut te hinc abducat, potius quam hic adstes foris.

Men. Iamne ille abiit? Aedepol haud mendacia
Tua verba experior esse. Mes. Hosce observato:

¶80. Nam istic (aliquam) credo habitare mulierem;

Ut quidem ille insanus dixit, qui hinc abiit modo.

Men. Sed miror, qui ille noverit nomen meum:

Mes. Minime hercle mirum. (Ea gens) morem hunc
habet:

Ad portum mittunt servulos, ancillulas:

Si qua peregrina navis in portum advenit,
Rogant cuiatis sit, quid ei nomen siet:

Post illi exemplò se applicant, agglutinant:

Si pelleixerunt; perditum amittunt domum.

Nunc in istoc portu stat navis prædatoria,

¶90. Abs quâ cavendum nobis sane censeo.

Men. Mones quidem hercle recte. Mes. Tum demum
sciam.

Recte monuisse, si tu recte caveris.

Men. Tace dum parumper: nam concrepuit ostium:

Videamus qui hinc egreditur. Mes. Hoc ponam interim

Asservatote haec, sultis, navales pedes.

Ibidem. Scen. III.

*EROTIUM, uxor alterius Menaechmi, MENAECHMUS
Sosicles, MESSENIO.*

Er. Sine foris sic: abi, nolo opperiri.
 Intus para: cura, vide. quod opus est, ut
 Fiat: sternite lectos: incendite odores?
 Munditia illecebra animo est (convivarum):
 200. Sed ubi ille est, quem coquus ante aedis esse ait?

Atque eccum video maritum meum.

Animule mi! mihi mira videntur,
 Hic te stare foris. Omne paratum est,
 Ut iussisti atque voluisti: neque tibi est
 Ulla mora intus: prandium, ut iussisti, hic
 Curatum est, ubi lubet, ire licet accubitum.

Men. Quicum mulier loquitur? *Er.* Evidem tecum.

Men. Quid tecum tibi
 Fuit umquam, aut nunc est negoti? *Er.* Quid (hoc est)?

Men. Certo haec mulier aut insana, aut ebria est, Messenio:

210. Hominem quae ignotum compellat me tam familiariter.

Mef. Dixin' ego isthaec hic solere fieri? Folia nunc
 cadunt,

Prae ut si triduum hoc hic erimus, tum arbores in
 te eadent;

Nam ita sunt hic (mulieres) omnes elecebrae argenta-
 riae.

Sed sine me dum hanc compellare: heus, mulier! tibi
 dico. *Er.* Quid est?

Mef. Ubi tu hunc hominem novisti? *Er.* Hic meus
 (est maritus)

In Epidamno. *Mef.* In Epidamno, qui huc in hanc
 urbem pedem,

Nisi hodie, numquam intro tetulit? *Er.* Eia, delicias facis,
Mi. Menaechme, quin, amabo, is intro: hic tibi erit rectius.
Men. Haec quidem aedepol recte appellat meo me mulier nomine.

220. Nimis miror, quid hoc sit negoti. *Mes.* Oboluit marsupium

Huic istuc, quod habes. *Men.* Atque aedepol tu me monuisti probe.

Accipe dum hoc: scibo, utrum haec me magè amet, an marsupium.

Er. Eamus intro, ut prandeamus. *Men.* Bene vocas: tam gratia 'st.

Er. Curigitur tibi me iussisti coquere dudum prandium?

Men. Egone te iussi coquere? *Er.* Certo tibi, et parasito tuo, et amicis.

Men. Cui, malum, parasito? et quibus amicis?

Certe haec mulier non sana est satis.

Er. Peniculo. *Men.* Quis est iste Peniculus? qui extergentur baxeae?

Er. Scilicet qui dudum tecum venit, quom pallam mihi

230. Detulisti, uxori tuae. *Men.* Quid est?

Tibi pallam dedi? (tibi) uxori meae? Sanan' es?

Certe cantherino ritu mulier haec adstans somnias.

Er. Qui lubet Iudibrio habere me, atque ire inficias mihi,

Facta quae sunt? *Men.* Dic, quid est id, quod negem, quod fecerim?

Er. Pallam te hodie mihi dedit. *Men.* Etiam nunc nego.

Ego quidem neque umquam uxorem habui, neque habeo: neque huc

Umquam, postquam natus sum, intra portam penetravi pedem.

Prandi in navi: inde hue egressus sum: te conveni.
Er. eccere!

Perii misera! quam tu nunc navem narras? *Men.*
 Ligneam,

240. Saepe tritam, saepe fixam, saepeque excussam malleo.
Er. Iam iam, amabo, desine ludos facere atque i hac
 mecum simul.

Men. Num quem, mulier, alium hominem, non me quae-
 ritas?

Er. Non ego te novi Menaechmum Moscho prognatum
 patre?

Qui Syracusis perhibere natus esse in Siciliâ,
 Ubi rex Agathocles regnator fuit: et iterum Pynthia:
 Tertium Liparo, qui in morte regnum Hieroni tra-
 didit:

Nunt. Hiero 'st. *Men.* Haud falso, mulier, praedicas.
Mef. Proh Jupiter?

Nunc isthaec mulier illinc venit, quaé te novit tam cate?

Men. Messenio, accede huc. *Mef.* Quid negoti est?

250. *Men.* Abduc istos in tabernam actutum diversoriam.
 Tum facito, ante solis occasum, ut venias ad vorsum
 mihi,

Mef. Non tu istas (mulieres) novisti, here. *Men.* Tace,
 inquam

Mihi dolebit, non tibi, si quid ego stulte facero.

Mulier haec stulta, atque inscita est, quantum perspexi
 modo.

Est hic praeda nobis. *Mef.* Perii. *Men.* Iamne abis?
Mef. Perii probe;

Dicit lebnum dierectum navis praedatoria.

Sed ego inscius, qui me herum postularem moderarier.

Dicto me emit audientem, haud imperatorem sibi.

Sequimini, ut quod imperatum est, veniam aduersum
tempori.

Act. V. Scen. I. v. 10.

MENAECHMYS Sosicles, EROTIUM uxor alterius Me-
naechmi.

260. *Men.* (Nunc, dic tu) : Quae res agitat te, mulier ?

Er. O hominis impudentem audaciam ?

Men. Non tu scis, mulier, Hecubam quapropter canem
Graii esse praedicabant ? *Er.* Non equidem scio.

Men. Quia idem faciebat Hecuba, quod tu nunc facis.
Omnia mala ingerebat, quemquem adspicerat;
Itaque adeo iure coepit appellari est canis.

Er. Non istaec ego flagitia possum perpeti.
Nam me meam aetatem viduam esse mavelim,
Quam istaec flagitia tua pati, quae tu facis.

270. *Men.* Quid id ad me, tu te nuptiam possis perpeti,
An sis abitura a tuo viro ? an mos est ita hic,
Peregrino ut advenienti narrent fabulas ?

Er. Quas fabulas ? Non, inquam, patiar praeter haec,
Quin vidua vivam, quam tuos mores perferam.

Men. Me quidem, hercle, causâ vidua vicitio,
Vel usque dum regnum obtinebit Iupiter.

Heu, hercle, mulier multum, et audax, et mala es :

Er. Nae istuc mecastor iam patrem accersam meum.
Atque enarrabo tua flagitia, quae facis.

280. *I.* Decio, quaere meum patrem, tecum simul
Ut veniat ad me: ita rem esse dicio.

Iam ego aperiam istaec tua flagitia. *Men.* Sanan' es ?
Quaesoo, hercle, mulier, si scis, monstra quod bibam,
Tuam qui possim perpeti petulantiam ?

Qnem tute hominem esse me arbitrare, nescio.
 Ego te simitu novi cum Parthaone.
 Er. Si me derides, at pol illum non potes,
 Patrem meum qui hue advenit: quin respicis?
 Novistin' tu illum? Men. Novi cum Calchâ simul
 290. Fôdem die vidi illum, quo te ante hunc diem.
 Er. Negas novisse me? negas patrem meum?
 Men. Idem hercle dicam, si avom vis adducere.
 Er. Proh Deum atque hominum fidem! Quid hoc est?

*Ibid. Scen. II. v. 10.**EROTIUM, SENEX, MENAECHMUS Sosicles.*

Se. Quid nam est negoti, quod filia sic
 Repente expetit me, ad sese ut irem?
 Nec quid id sit mihi certius facit,
 Quid velit, quidque arcessat.
 Verum propemodum iam scio, quid fiet rei.
 Credo cum viro litigium natum esse aliquod,
 300. Ita istae solent, quae viros subservire
 Sibi postulant, dote fretae, feroes.
 Et illi quoque hand abstinent saepe culpâ,
 Verum est modus tamen, quoad pati uxorem oportet.
 Nec pol filia umquam patrem arcessit ad se;
 Nisi quid aut commissi, aut iurgii est causa.
 Sed quicquid id est, iam sciam: atque eccam eampse
 Ante aedis, et eins tristem virum video.
 Id est, quod suspicabar.
 Appellabo hanc Er. Ibo aduersum. Salve multum mi pater.
 310. Se. Salva sis: salvaene (res omnes)? aduenio: sed cur
 arcessi iubes?
 Quid tu tristis es? Quid ille autem abs te iratus destituit?
 Nescio quid vos velitati estis inter vos duos.

Loquere, uter meruistis culpam: paucis: non longos
logos.

Er. Nusquam equidem quidquam deliqui: hoc primum
te absolvo, pater.

Verum vivere hic non possum, neque durare ullo
modo:

Proin tu me hinc abducas, *Se.* Quid istuc autem est?

Er. Ludibrio, pater,

Habeor, *Se.* Unde *Er.* Ab illo, quo me mandavisti,
meo viro.

Se. Ecce autem litigium. Quotiens edixi tandem tibi,
Ut caveres, neuter ad me iretis cum querimoniam?

320. *Er.* Qui ego istuc, mi pater, cavere possum? *Se.*
Men' interrogas?

Er. Nisi non vis, *Se.* Quotiens monstravi tibi, viro ut
morem geras?

Quid ille faciat, ne id observes? quo eat? quid re-
rum gerat?

Er. Non equidem mihi te advocatum, pater adduxi;
sed viro.

Hinc stas: illine causam dicis. *Se.* Si ille quid deli-
querit,

Multo tanto illum accusabo, quam te accusavi, ampi-
lius,

Iam ego ex hoc, uti factum est, scibo. Ibo ad homi-
nem, atque alloquar.

Dic mihi istuc, Menaechme, quod vos dissertatis, ut
sciam.

Quid tu tristis es? quid illam antem iratam abs te
destituis?

Men. Quisquis es, quidquid tibi nomen est, sénex:
summum Iouem,

330. Deosque detestor. *Se.* Quâ de re?

Men. Me neque isti bene, neque male fecisse mulieri.
Si ego intra aedis huius umquam, ubi habitat, pene-
travi pedem:

Omnium hominum exopto ut siam miserorum miser-
rumus,

Se. Sanusne es, qui istuc exoptes aut neges, te um-
quam pedem?

In eas aedis intulisse, ubi habitas, insanissume?

Men. Tun', senex, aīs habitare med in illisce ae-
dibus?

Se. Tu negas? *Men.* Nego hercle vero. *Er.* Nimio
haec impudenter negas,

Nisi quo nocte hac emigrasti *Se.* Concede hāc filia.

Quid tu aīs? nam hinc emigrasti? *Men.* Quem in
locum, aut ob rem, obfeco?

340. *Se.* Non acdepol scio. *Er.* Profecto ludit te hic.

Se. Non tu te tenes?

Iam vero, Menaechme, fatis iocatus es: nunc hanc
rem age.

Men. Quaeſo, quid mihi tecum est? unde aut quis
homo tu es, quid feci ego

Tibi, aut adeo isti, quae mihi molesta est quoque
modo?

Er. Viden' tu illi oculos virere: ut viridis exoritur
colos

Ex temporibus atque fronte: ut oculi ſcintillant vide.

Men. Quid melius est mihi, quam, quando illi me
infanire praedicant,

Ego me assimilem infanire, ut illos a me abſterream

Er. Ut pandiculans oscitatur? Quid nunc faciam mi
pater;

350. *Se.* Concede huc, mea nata, ab istoē quam potes lon-
gissume.

Men. Evoe, Evie Bromie, quo me in sylvam venatum vocas?

Audio. Sed non abire possum ab his regionibus.

Ita me ab laevâ rabiosa foemina observat canis.

Post autem illic hircus alius, qui saepe aetate in suâ Perdidit civem innocentem falso testimonio.

Se. Vae capiti tuo. *Men.* Ecce Apollo mihi ex oraculo imperat.

Ut ego illis oculos exuram lampadibus ardentibus,

Er. Perii, mi pater, minatur mihi oculos exurere.

Men. Hei mihi, insanire me aiunt, ultro cum ipsi insaniunt?

360. *Se.* Filia, heus! *Er.* Quid est? quid agimus? *Se.* Quid si ego hoc servos cito?

Ibo, adducam, qui hunc hinc tollant, et domi devinciant.

Priusquam turbarum quid faciat amplius. *Men.* Enim vero nisi

Occupo aliquod mihi consilium, hi domum me ad se auferent.

Pagnis me velas in huius ore quicquam parcere,
Ni iam ex meis oculis abscedat in malam magnam crucem:

Faciam quod iubes, Apollo. *Se.* Fuge domum, quantum potes,

Ne hic te obtundat. *Er.* Fugio, amabo: observa istunc mi pater,

Ne quo hinc abeat. Sumne ego mulier misera, quae illaec audio?

Men. Haud male illanc amovi; nunc hunc ego impurissimum,

370. Barbatum, tremulum, Titanum, Cygno prognatum patre:

Ita mi imperas, ut ego huius membra, atque ossa, atque artus

Comminuam illo scipione, quem ipse habet. Se. Dabitur malum,

Me quidem si attigeris, aut propius ad me accesseris,
Men. Faciam quod iubes. Securim capiam ancipitem,
atque hunc senem

Exossabo: dein dedolabo assulatim viscera.

Se. Enimvero illud praecavendum est, atque accurandum mihi.

Men. Multa mihi imperas, Apollo. Nunc equos iunctos
iubes

Capere me indomitos, feroce, atque currum inscendere.
Ut ego hinc proteram leonem Getulum, orentem, e-
dentulum.

380. Iam adstisti in currum: iam lora teneo: iam stimu-
lum in manu est.

Agite equi: facitote, sonitus unguilarum appareant
Cursu celeri: facite inflexa sit pedum pernicietas.

Se. Mihin' equis iunctis minare? Men. Ecce Appol-
lo, denuo

Me iubes facere impetum in eum, qui stat, atque oc-
cidere.

Sed quis hic est, qui me capillo hinc de curru deripit?
Imperium tuum demutat, atque edictum Apollinis?

Se. Heu, hercle, morbum acrem ac durum! Di vostram
fidem!

Vel hic, qui insanit, quam valuit paullo prius!
Ei derepente tantus morbus incidit!

390. Ibo atque arcessam medicum iam, quantum potest,

*Ibid. Scen. III.**MENAECHMVS.*

Iamne isti abierunt, quaeſo, ex conſpectu meo.
 Qui me vi cogunt, ut validus insaniam?
 Quid cesso abire ad navem, dum ſalvo lieet?
 Vosque omnes, quaeſo, ſi ſenex revererit;
 Neque me indicetis, quā plateā auſtugeric.

*Ibid. Scen. IV.**MEDICUS, SENEX.*

Med. Quid eſſe morbi dixeras? narra ſenex.
 Num larvatus eſt ille, aut cerritus, fac ſciam.
 Num eum veterius, aut aqua interclus tenet?
Sen. Quin eā te cauſā duco; ut id dicas mihi,
400. Atque illum ut ſanum facias, *Med.* Perfacile id qui-
 dem eſt.
 Sanum futurum, meā ego id promitto fide.
Sen. Magnā cum curā ego illum curari volo.
Med. Ita ego illum cum curā magnā curabo tibi.
Sen. Atque ecce ſum ipſum hominem. *Med.* Obſervemus,
 quam rem gerat.

*Ibid. Scen. V.**MENAECHMUS surreptus, SENEX, MEDICUS.*

Men. Aedepol, nae hic dies perversus atque aduersus
 mihi obtigit,
 (In foro nullus eſt): Ego vivo miser.

Sen. Audin' quae loquitur? *Med.* Se miserum praedicat. *Sen.* Adeas velim.

Med. Salvos sis, Menachme? quaeſo cur apertas brachium?

Non tu ſcīſ, quantum iſti morbo nunc tuo facias mali?

410. *Men.* Quin tu te ſuspendis? *Med.* Eequid ſentis? *Men.* Quid ni ſentiam?

Med. Non potest haec res ellebori ingere obtinerier.

Sed quid aīſ, Menaechme? *Men.* Quid viſ? *Med.* Dic mihi hoc, quod te rogo.

Album, an atrum viñum potas? *Men.* Quin tu iſ in malam crucem?

Sen. Iam hercle occoep̄at insanire primulum. *Men.* Quin tu interrogas,

Purpureum panem, an punicum soleam ego eſſe, an luteum?

Soleamne eſſe avis squamosas, piscis pennatos? *Sen.* Papae!

Audin'tu, ut deliramenta loquitur? Quid cessaſ dare Potionis aliquid, priusquam percipit insania?

Med. Mane modo etiam percontabor.

420. Dic mihi hoc etiam: ſolent tibi umquam oculi duri fieri?

Men. Quid? tu me locustam censes eſſe, homo ignauisſume?

Med. Dic mihi, an umquam tibi intestina crepant, quod ſentias?

Men. Ubi ſatur ſum, nulla crepitant: quando esurio, tum crepant.

Med. Hoc quidem aedepol hand pro insano verbum respondit mihi.

Perdormiscin'usque ad lucem? Facileu'tu dormis cù-
bans?

Men. Perdormisco, si resolvi argentum, cui debo.

Quin te Iupiter, Dique omnes, percontator, perdant.

Med. Nunc homo insanire incoepiat de illis verbis:
cave tibi.

Sen. Imo modestior nunc quidem est de verbis, praeut
dudum fuit.

430. Nam dudum uxorem suam esse aiebat rabiōsam canem.

Men. Quid ego dixi? *Sen.* Insanis inquam. *Men.* ego-
ne? *Sen.* Tu istie, qui mihi

Etiam me iunctis quadrigis minitatu's prosternere.

Egomet haec te vidi facere, egomet haec te arguo.

Men. At ego te sacram coronam surripuisse scio Iovis

Et obeam rem in carcerem te esse compactum scio,

Et postquam es emissus, caesum virgis sub furcâ.

Tum patrem occidisse, et matrem vendidisse etiam scio.

Satin' haec pro sano maledicta maledictis respondeo?

Sen. Obsecro, hercle, medice, properè, quicquid factu-
rus, face.

440. Non vides hominem insanire? *Med.* Scin' quid facias
optimum?

Ad me face ut deferatur. *Sen.* Ita ne censes? *Med.*
Quippini?

Ibi meo arbitratu potero curare hominem. *Sen.* Age ut
lubet.

Med. Elleborum potabis saxo aliquot hos viginti dies.

Men. At ego te pendentem fodiam stimulis triginta
dies.

Med. I, arcesse homines, qui illunc ad me deferant.

Sen. Quot sunt satis?

Med. Proinde ut insanire video, quatuor nihil o minus.

Sen. Iam hic erunt: afferva tu istunc, medice. *Med.*

Imo ego ibo domum,

Ut parentur, quibus paratis opus est: tu servos inbe
hunc

Ad me ferant. *Sen.* Iam ego illic faxo erit. *Med.* ego
abeo. *Sen.* Vale.

450. *Men.* Abiit sacerdos! Abiit medicus: nunc solus sum. Proh
Iupiter!

Quid illuc est, quod me hic homines insanire pae-
dicant?

Nam equidem postquam gnatus sum, numquam aegro-
tavi unum diem.

Neque ego insanio, neque ego pugnas, neque lites coepio;
Salvus salvos alios video: novi homines: allequor.

An qui perperam insanire me aiunt, ipsi insaniant?

Quid ego nunc faciam? Domum ire cupio. At uxor
non sinit.

Ergo: video prius, quis istic homo fiet.

Ibid. Scen. VI.

MESSENIO *solus*, *MENAECHMVS* *surreptus*.

Mef. Spectamen bono servo id est, qui rem herilem
Procurat, videt, collocat, cogitatque,

460. Ut absente hero, rem heri diligenter

Tutetur, quam si ipse assit, aut rectius.

Tergum, quam gulam, crura, quam ventrem oportet
Potiora esse, quo cor modeste situm est.

Recordetur id, qui nihil sunt, quid iis pretii

Detur suis ab heris, ignavis, improbis

Viris: verbera, compedes, molae, magna

Lassitudo, fames, frigusque durum:

Haec pretia sunt ignaviae.

Id ego male malum metuo: propterea bonum

470. Esse certum est potius quam malum: nam magis multo
Patior facilius verba: verbera ego odi: propterea heri
imperium

Exequor bene et sedate servio:

(Sed eccum video.)

Ibid. Scen. VII.

*SENEX, MENAECHMUS surreptus, LORARIUS,
MESSENIO.*

Sen. Per ego vobis Deos atque homines dico, ut im-
perium meum

Sapienter habeatis curae: quaeque imperavi atque im-
pero,

Facite: illic homo in medicinam ablatus sublimis siet;
Nisi quidem vos vostra crura, aut latera nihili pendit-

Cave quisquam, quod illic minitetur, vostrum floccife-
cerit.

Quid statis? Quid dubitatis? Iam sublimem raptum
oportuit.

480. Ego ibo ad medicum: praesto ero illic cum venietis.
Men. Occidi.

Quid hoc est negoti? quid illic homines ad me cur-
runt, obsecro?

Quid voltis vos? quid quaeritatis, quid me circumsi-
stitis?

Quo rapitis me? quo fertis me? perii: obsecro vo-
stram fidem,

pidEamnienses: subvenite, cives. Quin me mittitis?

Mes. Proh Di immortales, obsecro, quid ego oculis
adspicio meis?

Herum meum indignissime, nescio quā sublimem fe-
runt.

Men. Ecquis suppetias mihi audet afferre? *Mes.* Ego,
here, audacissime.

O facinus indignum, et malum! Epidamni cives, he-
rum

Menū, hīc in pacato oppido

490. Luci deripier in viā, qui liber ad vos venerit?

Mittite istunc. *Men.* Obsecro te, quisquis es, operam
ut des mihi,

Neu sinas in me insignite fieri tantam iniuriam.

Mes. Imo et operam dabo, et defendam, et subvenibo
sedulo.

Numquam te patiar perire; me perire est aequius.

Eripe oculum isti, ab humero qui te tenet, here, te
obsecro.

Hisce ego iam sementem in ore faciam, pugnos que
obseram.

Maxumo hodie malo, hercle, vostro istunc fertis: mittite.

Men. Teneo ego hūnic oculum. *Mes.* Face, ut oculi lo-
cus in capite appareat.

Vos scelesti, vos rapaces, vos praedones. *Lo.* Periimus.

500. Obsecro herele. *Mes.* Mittite ergo. *Men.* quid me vo-
bis tactio est?

Pecte pugnis. *Mes.* Agite: abite: fugite hinc in malam
crucem.

Hem tibi etiam quia postremus cedis, hoc praemii feres.

Nimis autem bene ora commentavi, atque ex meā sententiā.

Aedopol, here, nae tibi subpetias tempore adveni modo.

Men. Et tibi Di semper adolescens, quisquis es, faci-
ant bene.

Namque absque te esset, hodie numquam ad solem occasum viverem.

Mef. Ergo aedepol si recte facias, here, me emittas manu.

Mn. Liberem ego te? *Mef.* Verum quandoquidem, here, te servavi. *Men.* Quid est?

Adolescens, erras. *Mef.* quid erro? *Men.* Per Iovem adiuro patrem,

510. Me herum tuum non esse. *Mef.* Non taces tu? *Men.* Non mentior.

Nec meus servos umquam tale fecit, quale tu mihi.

Mes. Sic, sine igitur, si tuum negas me esse, abire liberum.

Men. Meā quidem hercle caussā liber esto, atque ito quo voles.

Mes. Nempe iubes? *Men.* Jubeo hercle, si quid imperii est in te mihi.

Mef. Salve mi patronē. *Servus alius.* Cum tu liber es Messenio,

Gaudeo. *Mes.* Credo hercle vobis: sed, patronē, te obsecro,

Ne minus imperes mihi, quam quom tuus servus fui.
Apud te habitabo, et quando ibis, unā tecum ibo domum.

Men. Minime *Mes.* Nunc ibo in tabernam: vas et argentum tibi

520. Referam: recte est obligatum in vidulo marsupium,

Cum viatico: id tibi iam nunc afferam,

Ita ut mihi dedisti: redibo: hic me mane.

Men. Nimia mira mihi quidem hodie exorta sunt multis modis.

Alii me negant eum esse qui sum, atque excludunt foris:

EIAM hic servum esse meum aiebat, quem ego emisi
manu.

IS ait mihi allaturum cum argento marsupium;
Socer et medicus me insanire dicebant, quid sit,
mira sunt.

Haec nihilo mihi esse videntur secius, quam somnia.

Ibidem Scen. VIII.

MENAECHMUS Sosicles, MESSENIO servus eius,

Men. Sos. Men' hodie usquam convenisse te audax
audes dicere.

530. Postquam advorsum mihi imperavi, ut hue venires?

Mes. Quin modo

Eripni homines qui te ferebant sublimiem, quatuor.

Apud hasce aedis clamabas Deūm fidem atque hominum
omnium,

Quom ego acurro, teque eripio, vi pugnando, ingratiss:
Ob eam rem, quia te servavi, me emisisti liberum.
Quom argentum dixi me petere, et vasa, tu quantum
potest,

Praecucurristi obviam, ut quae fecisti, inficias eas.

Men. Liberum ego ta iussi abire? *Mes.* Certo *Men.*
quoi? certissimum est,

Mepte potius fieri servum, quam te umquam emit-
tam manu.

Ibidem Scen. IX.

*MENAECHMUS surreptus, MESSENIO, MENAECH-
MUS Sosicles,*

Sur. Si voltis per oculos iurare, nihilo, hercle, eā causā
magis

540. Facietis, ut ego hodie (talia quoiquam dixerim.)

Mes. Proh Dii immortales! quid ego video? *Sos.* Quid vides? *Mes.* Speculum tuum.

Sos. Quid negoti est? *Mes.* Tua est imago, tam consimilis, quam potest.

Sos. Pol! profecto haud est dissimilis, meam cum formam noscito.

Sur. O adulescens, salve, qui me servasti, quisquis es.

Mes. Adulescens, quaeso, hercle, loquere tuum mihi nomen, mi piget.

Sur. Non aedepol, ita promeruisti de me, ut pigrat quae velis.

Mihi est Menaechmo nomen. *Sos.* Imo, id est, aedepol, mihi.

Sur. Siculus sum Syracusanus. *Sos.* Ea domus, et patria est mihi.

Sur. Quid ego ex te audio? *Sos.* Hoc quod res est

550. *Mes.* Novi equidem hunc: herus est meus.

Ego quidem eius servus sum: sed esse huius me credidi;

Ego hunc censem esse te: huic etiam exhibui negotium.

Quaeso ignoscas, si quid stulte dixi, atque imprudens tibi.

Sos. Delirare mihi videre; non commenistri simul, Te hodie tecum exire e navi. *Mes.* enim vero aequum postulas,

Tu mihi herus es, tu servum quaere: salveto tu, tu vale.

Hunc ego esse aio Menaechmum. *Sur.* At ego me.

Sos. Quae haec est fabula?

Tu es Menaechmus? *Sur.* Me esse dico, Moscho progenitum patre.

Sos. Tun' meo patre es prognatus? Sur. Imo eisdem
adulescens, tuum

560. Tibi neque occupare patrem, neque praeripere postulo.

Mes. Dii immortales! spem insperatam date mihi, quam
suspicio.

Nam nisi me animus fallit, hi sunt gemini germani
duo.

Nam et patrem, et matrem commemorant pariter, qui
fuerint sibi.

Scovabo herum. Menaechme? Ambo Menaechmi.
Quid vis? Mes. Non ambos volo.

Sed uter vostrum est huc advectus navi tecum? Sur.
Non ego.

Sos. At ego Mes. Te volo igitur, huc concede. Sos.
Concessi: quid est?

Mes. Illic homo, aut sycophanta, aut geminus est frater
tuus.

Namque ego hominem homini similiorem numquam
vidi alterum,

Neque aqua aquae, neque lac est laeti, crede mihi,
nusquam similius,

570. Quam hic tui est, tuque huius. Postea autem eam-
dem patriam ac patrem

Memorat. Melius est nos adire, atque hunc percon-
tarier.

Sos. Hercle, quin tu me admonuisti recte, et habeo
gratiā.

Perge operam dare, obsecro, hercle. Liber esto, si
invenis

Hunc meum fratrem esse. Mes. Spero. Sos. Et ego
idem spero fore.

Mes. Quid ais tu? Menaechmum, opinor, te vocari
dixeras

Sur. Ita vero. *Mes.* Huic item Menaechmo nomen est:
in Siciliâ.

Te Syracusis natum esse dixisti: hic natus est ibi:
Moschum tibi patrem fuisse dixisti: huic itidem suit.

Nunc operam potestis ambo mihi dare, et vobis simul.

580. *Sur.* Promeruisti, ut ne quid ores, quod velis, quin
inpetres.

Tamquam si me emeris argento, liber servibo tibi.

Mes. Spes mihi est, vos inventurum fratres germanos
duos,

Geminos, unâ matre natos, et patre uno, uno die.

Sur. Mira memoras: utinam efficere, quod pollicitus, pos-
sies.

Mes. Possum: sed nunc uteisque, id quod rogabo, dicite.

Sur. Ubi lubet, roga, respondebo: nihil reticebo, quod
sciam.

Mes. Et tibi nomen Menaechmo? *Sur.* Faleor. *Mes.*
Est idem tibi?

Sof. Est. *Mes.* Patrem fuisse Moschum tibi ais? *Sur.*
Ita vero. *Sof.* Et mihi.

Mes. Es ne tu Syracusanus? *Sur.* Certo. *Mes.* Quid tu?

Sos. Quippini?

590. *Mes.* Optume. Usque adhuc convenient signa. Porro
operam date.

Quid longissime meministi, die mihi, in patriâ tuâ?

Sur. Cum patre ut abii Tarentum ad mercatum, tum
postea

Inter homines me deerrare a patre, atque inde avehi.

Sos. Iupiter supreme, serva me. *Mes.* Quid clamas?
Quin taces?

Quot eras annos natus, cum te pater a patriâ avexit?

Sur. Septuennis: nam tum dentes mihi cadebant pri-
mulum.

Neque patrem umquam post illa vidi. *Mes.* Quid?
vostrum patri

Filius quot eratis? *Sur.* Ut nunc maxime memini, duo.
Mes. Uter eratis? tun', an ille major? *Sur.* Aequo
ambo pares.

600. *Mes.* Qui id potest? *Sur.* Gemini ambo eramus, id *Sos.*
Dii me servatum volunt.

Mes. Si interpellas, ego tacebo. *Sos.* Potius taceo. *Mes.*
Dic mihi,

Uno nomine ambo eratis? *Sur.* Minime; nam mihi hoc
erat,

Quod nunc est, Menaechmus: illum tunc vocabant
Sosiclem.

Sos. Signa agnovi: contineri, quin complectar, non queo.
Mi germane, gemine frater, salve, ego sum Sosicles.

Sur. Quomodo igitur post Menaechmo nomen est fac-
tum tibi?

Sos. Postquam ad nos renunciatum est, te et patrem
esse mortuum.

Avos noster mutavit: quod tibi nomen est, fecit mihi.

Sur. Credo ita esse factum, ut dicis, sed mihi hoc re-
ponde. *Sos.* Roga.

610. *Sur.* Quod erat nomen nostrae matri? *Sos.* Theusi-
marche. *Sur.* Convenit.

O salve, insperate, multis annis post, quem conspicor,
Frater. *Sos.* Et tu, quem ego esse inventum gaudeo.

Mes. Numquid memorare, quin ego liber, ut iussisti,
eam?

Sur. Optimum atque aequissimum orat, frater: fac
caussâ meâ.

Sur. Liber esto. *Sur.* Cum tu es liber, gaudeo Messenio.

Sos. Quoniam haec evenerunt, frater, nostrâ ex sen-
tentiâ,

In patriam redeamus ambo. *Sur.* Frater, faciam ut tu
voles.

Auctionem h̄ic faciam, et vendam, quicquid est: nunc
interim

Eamus intro, frater. *Sos.* Fiat. *Mes.* Scit in' quid ego
vos rogo?

620. *Sur.* Quid? *Mes.* Mihi ut praeconium detis. *Sur.* Da-
bitur. *Mes.* Ergo nunc iam

Vis conclamari auctionem fore? Quo die? *Sur.* Die
septimi.

Mes. Auctio fiet Menaechmi manē sane septimi.

Venibunt servi, supellex, fundi, aedis, omnia:

Venient, quaeque licebunt, praesenti pecunia:

Venibit uxor quoque etiam, si quis emptor venerit.

Vix credo totā auctione capiet quinquagesies.

Nunc spectatores Valete, et nobis clare applaudite.

EX PSEUDOLO.

DRAMATIS PERSONÆ.

PSEUDOLUS, *Simonis servus.*

CALIDORUS, *Adolescens.*

SIMO, *Calidori Frater.*

BALLIO, *Mercator.*

HARPAX, *Polymachæroplacidis servus.*

CHARINUS, *Adolescens.*

SIMIA, *Sycophanta.*

Act. I. Scen. I.

PSEUDOLUS, CALIDORUS.

Ps. Si ex te tacente fieri possem certior,
Here, quae miseriae tam miserè macerant,
Duorum labori ego hominum parsissim lubens,
Mei te rogandi, et tui respondendi mihi.
Nunc quoniam id fieri non potest: necessitas
Me subigit, ut te rogitem: responde mihi.
Quid est, quod tu exanimatus iam hos multos dies
Gestas tabellas tecum, eas lacrymis levias,
Neque tui participem consilii quemquam facis?
10. Eloquere, ut, quod ego nescio, id tecum sciám.

Ca. Miserè miser sum, Pseudole.

Ps. Licet me id scire, quid sit? nam tu me antid-
hac

Supremum habuisti comitem consiliis tuis.

Ca. Idem animus nunc est. *Ps.* Fac me certum, quid tibi

Sit, juvabo te aut re, aut operâ, aut consilio bono.

Ca. Cape has tabellas, tute hinc narrato tibi,

Quae me miseria, et cura contabefacit.

Ps. Mos tibi geretur, sed quid hoc quaeso? *Ca.* Quid est?

Ps. Has quidem pol credo, nisi Sibylla legerit,

20. *Interpretarier potesse neminem.*

Ca. Cur inclementer dîcis lepidis litteris,

Lepidis tabellis, lepidâ conscriptis manu.

Ps. An, obsecro, hercle habent quoque gallinae manus?

Nam has quidem gallina scripsit. *Ca.* Odiosus mihi es.

Lege: vel tabellas redde. *Ps.* Imo enim pellegam, Advortito animum. *Ca.* Non adest. *Ps.* At tu cito.

Ca. Imo ego tacebo: tu hinc eum ex cerâ cito:

Nam istic meus animus nunc est, non in pectore.

Ps. Tuam (futuram uxorem) video, Calidore. *Ca.* Ubi ea est, obsecro?

30. *Ps.* Eccam in tabellis, in cerâ cubat

Ca. At te Diî Deaeque, quantus es?..., *Ps.* Servassint quidem.

Ca. Quasi solstitialis herba paulisper fui:

Repente exorius sum, repentino occidi.

Ps. Tace, dum tabellas pellego. *Ca.* Ergo quia legis?

Ps. „Phoeniciton Calidoro (futuro coniugi) suo

„Per ceram et linum, litterasque interpretes,

„Salutem mittit, et salutem abs te expetit,

„Lacrymans, uitubanti animo, corde, et pectore.“

Ca. Perii: salutem nusquam invenio, Pseudole,

40. Quam illi remittam. *Ps.* Quam salutem? *Ca.* Argenteam.

Ps. Pro ligneā salute vis argenteam

Remittere illi? Vide sis quam tu rem geras.

Ca. Recita, modo ex tabellis iam faxo scies,

Quām subito argento mihi usus invento siet.

Ps., (Mercator) me peregre militi Macedonio viginti

„Minis vendidit, voluptas mea.

„Et priusquam hinc abiit, quindecim miles minas

„Dederat; nunc unae quinque remorantur minae:

„Eā caussā miles hic reliquit symbolum,

50. „Expressam in cerā ex annulo suam imaginem,

„Ut qui hoc afferet eius similem symbolum,

„Cum eo simul me mitteret: ei rei dies

„Haec praestituta est, proxuma Dionysia.

Ca. Cras ea quidem sunt. Prope ad est exitium mihi;

Nisi quid mihi in te est auxilii. *Ps.* Sine pellegam.

Ca. Sino: nam mihi videor cum eā fabularier,

Lege: dulce amarumque unā nunc misces mihi,

Ps., Nunc (coniugii) nostri mihi atque itidem tibi

„Distractio, discidium, vasticies venit:

60. „Nisi quae mihi in te'st, aut tibi est in me salus.

„Haec quae ego scivi, ut (scires) curavi omnia:

„Nunc ego te experiar, quid ames, quid simules. Vale.“

Ca. Est misere scriptum, Pseudole. *Ps.* Ho miserrume!

Ca. Quin fles? *Ps.* Pumiceos oculos habeo: non queo

Lacrumam exorare, ut expuant unam modo.

Ca. Quid ita? *Ps.* Genus nostrum semper siccoculum fuit.

Ca. Nihilne adiutare me audes? *Ps.* Quid faciam tibi?

Ca. Heu! *Ps.* Heu! id quidem hercle, ne parsis, dabo.

Ca. Miser sum: argentum nusquam invenio mutuom.

70. Pseudole. *Ps.* Heu! *Ca.* Neque intus nummus ullus

est, *Ps.* Eheu!

Ca. Ille abducturus est mulierem cras. *Ps.* Eheu!

Ca. Istoccine pacto me adiutas? *Ps.* Do, id quod mihi est.

Nam is mihi thesaurus iugis in nostrâ est domo.

Ca. Actum hodie de me est: sed potes nunc mutuam Drachmam dare mihi unam. quam cras reddibo tibi?

Ps. Vix hercle opinor, si me opponam pignori.

Sed quid de drachmâ facere vis? *Ca.* Restim volo Mihi emere. *Ps.* Quamobrem? *Ca.* Qui me faciam pensilem.

Certum 'st mihi ante tenebras, persequi tenebras.

80. *Ps.* Quis mihi igitur drachmam reddet, si dederim tibi?

An tu te eâ caussâ vis sciens suspendere,

Ut me defrandes drachmâ, si dederim tibi?

Ca. Profecto nullo pacto possum vivere;
Si illa a me abalienatur, atque abducitur.

Ps. Quid fles, cucule, vives. *Ca.* Quid ego, nimis flesam?

Quoi nec paratus nummus argenti siet,
Neque quoi libellae spes sit usquam gentium.

Ps. Ut litterarum ego harum sermonem audio,
Nisi ut illi drachmis flevéris argenteis?

90. Quod tu istis lacrumis te probare postulas,

Non pluris refert, quam si imbre in cibrum ingeras.

Verum ego te amantem, ne pave, non deseram:

Spero aliunde hodie me bonâ operâ, aut hac meâ,

Tibi inventurum esse auxilium argentarium,

Atque id futurum unde, unde dicam nescio;

Nisi quia futurum est, ita supercilium salit.

Ca. Utinam quae dicis, dictis facta suppetant.

Ps. Scis tu quidem, hercle, mea si commovi sacra

Quo pacto, et quantas soleam turbellas dare?

100. *Ca.* In te nunc sunt omnes spes aetati meae.

Ps. Satin' est si hanc hodie mulierem efficio tibi

Tua ut sit, aut si tibi do viginti minas? *Ca.* Satin si
futurum est.

Ps. Nunc ne quis dictum sibi neget, dico omnibus,
Pube praesenti, in concione, omni populo,
Omnibus amicis, notisque edico meis

In hunc diem a me ut caveant, ne credant mihi.

Ca. Tace, obsecro, hercle. *Ps.* Quid negoti 'st? *Ca.*
Ostium

(Mercatoris) crepuit. *Ps.* Crura mavellem modo.

Ca. Atque ipse egreditur. (Eo domum, ubi expe^cto
dūm venis.)

Ibidem Scen. VI.

P S E U D O L U S.

110. Postquam illic hinc abiit; tu astas solus, Pseudole?

Quid nunc acturus postquam herili filio

Largitus dicta dapsilia es? Ubi sunt ea?

Quoi neque paraia gutta certi consilii.

Neque adeo argenti: neque nunc quid faciam scio:

Neque exordiri primum, unde occipias habes:

Neque ad detexundam telam certos terminos:

Sed quasi poeta tabulas quom cepit sibi,

Querit quod nusquam est gentium, reperit tamen

Facit illud verisimile quod mendacium 'St

120. Nunc Ego Poeta siam viginti minae

Quae nusquam nunc sunt gentium, inveniam tamen,

Atque ego huic jam pridem me daturum dixeram.

Ac volui injicere tragulam in nostrum senem;

Verum is, nescio quo pacto praesensit prius,

Sed comprimenda es mili vox atque oratio.

Herum (nostrum Simonem senem videam oportet.)

Ex hoc sepulchro vetere viginti minas

Effodiam ego hodie, quas dem herili filio.

Act. II. Scen. I. v. 16.

P S E U D O L U S.

(Ego) sum genere natus, (ut) magna me facinora de-
ceat efficere;

130. Quae post mihi clara, et diu clueant, sed hunc quem
video, quis hic est,

Qui oculis meis obviā ignorabilis obiicitur? Libet scire,
Quid hic velit cum machærā: et huic, quam rem
agat, hinc dabo insidias.

Ibid. Scen. II.

HARPAX, PSEUDOLUS.

Har. Hi loci sunt, atque hae regiones, quae mihi ab
hero sunt demonstratae.

Ut ego oculis rationem capio, quam mihi ita dixit
herus meus miles,

Septimas asse aedis a portâ, ubi ille habitat mercator,
quoi iussit,

Symbolum me ferre, et hoc argentum. Nimis velim,
certum qui

Mihi faciat, Ballio mercator ubi hic habitat. *Ps.* St;
tace, tace:

Meus hic est homo, ni omnes Di atque homines dese-
runt. novo consilio

Nunc mihi opus est: nova res subito mihi haec obiec-
ta est:

140. Iam pol ego hunc stratioticum nuncium advenientem
probe perculiam.

Har. Ostium pultabo; atque intus evocabo aliquem foras.

Ps. Quisquis es, compendium ego te facere pultandi volo,
Nam ego precator, et patronus foribus processi foras.

Har. Tun' es Ballio? *Ps.* Imo vero ego eius sum Subballio.

Har. Quid istuc verbi est? *Ps.* Condus promus sum,
procurator peni.

Har. Quasi te dicas Atriense m *Ps.* Imo Atriensi
ego impero.

Har. Quid tu servosne es, an liber? *Ps.* Nunc quidem
etiam servio.

Har. Ita videre, et non videre dignus, qui liber sies.

Ps. Non soles respicere te, cum dicas iniuste alteri?

150. *Har.* Hunc hominem malum esse oportet. *Ps.* Di me
servant atque amant.

Nam haec mihi incus est, procudam ego hodie hinc
multos dolos.

Har. Quid illic secum solus loquitur? *Ps.* Quid ais
tu, adulescens? *Har.* Quid est?

Ps. Esne, an non es ab illo milite Macedonio,
Servos eius, qui hinc a nobis est mercatus mulierem?
Qui argenti hero meo mercatori quindecim dederat
minas,

Quinque debet? *Har.* Sum, sed ubi tu me novisti
gentium?

Aut vidisti? aut collocutus? nam equidem Athenas
antidhac

Numquam adveni; atque te vidi ante hunc diem um-
quam oculis meis,

Ps. Quia videre inde esse: nam olim quom abiit, ar-
gento hic dies

160. Praestituta est, quoad referet nobis: neque dum retulit.

Har. Imo adest. *Ps.* Tun' attulisti? *Har.* Egomet. *Ps.*
Quid dubitas dare?

Har. Tibi ego dem? *Ps.* Mihi hercle vero, qui res
rationesque heri

Ballionis euro: accepto, expenso, et quoi debet
dato.

Har. Si quidem hercle etiam supremi promtes thesauros lovis,

Tibi libellam argenti numquam credam. *Ps.* Dum tueris sternuas,

Res erit soluta. *Har.* Vinctam potius sic servavero.

Ps. Vae tibi! tu inventus vero meam qui furcilles fidem! Quasi mihi non sexcenta tanta soli soleant credier?

Har. Potest, ut alii ita arbitrentur, et ego ut ne credam tibi.

170. *Ps.* Quasi tu dicas me te velle argento circumducere

Har. Imo vero, quasi tu dicas, quasique ego autem id suspicer.

Sed quod est tibi nomen? *Ps.* Servos est huic mercatori Syrus,

Eum esse me dicam: Syrus sum. *Har.* Syrus? *Ps.* Id est nomen mihi.

Har. Verba multa facimus; herus si tuus domi es: quin provocas,

Ut id agam quod missus huc sum? quicquid est nomen tibi.

Ps. Si intus esset, evocarem: verum si dare vis mihi, Magis erit solutum, quam si ipsi dederis. *Har.* At enim scin' quid est?

Reddere hoc, non perdere, herus misit. Nunc certo scio Hoc, febrim tibi esse, quia non licet hoc iniicere unguis,

180. Ego, nisi ipsi Ballioni, nummum credam nemini.

Ps. At illic nunc negotiosu' st: res agitur apud iudicem.

Har. Di bene vortant. At ego quando eum esse censabo domi,

Rediero: tu epistolam hanc a me accipe, atque illi dato:

Nam istic symbolum est inter herum meum, et tuum
de muliere.

Ps. Scio equidem, ut qui argentum afferet, atque ex-
pressam imaginem

Suam huc ad nos cum eo aibat velle mitti mulierem.

Nam hic quoque exemplum reliquit eius. *Har.* Om-
neum rem tenes.

Ps. Quid ego ni teneam? *Har.* Dato ergo istum sym-
bolum illi. *Ps.* Licet.

Sed quid est tibi nomen? *Har.* Harpax. *Ps.* Apago
te, Harpax: haud places.

190. *Hue* quidem hercle haud ibis intro. ne quid Harpax
feceris.

Har. Hostis vivos rapere soleo, ex hoc nomen mihi est.

Ps. Pol te multo magis opinor vasa ahenea ex aedibus.

Har. Non ita est: sed scin' quid te orem, Syre? *Ps.*
Sciam si dixeris.

Har. ego devortor extra portam hue in tabernam ter-
tiam,

Apud anum illam dolarem, cludam, crassam Chry-
sidem.

Ps. Quid vis? *Har.* Inde, ut me arcessas, herus tuus
ubi venerit.

Ps. Tuo arbitratu maxume. *Har.* Nam, ut lassus veni
de viâ,

Me volo curare. *Ps.* Sane sapi; et consilium placet,
Sed vide sis, ne in questione sis, quando arcessam
mihi.

200. *Har.* Quin ubi prandero; dabo operam somno.

Ps. Sane censeo.

Har. Numquid vis? *Ps.* Dormitum ut abeas. *Har.*
Abeo. *Ps.* Atque audin', Harpage?

Iube sis te operiri, beatus eris si consudaveris.

*Ibid. Scen. III.**PSEUDOLUS.*

Dii immortales! conservavit me illic homo adventu
suo.

Suo viatico reduxit me usque ex errore in viam.
Nam ipsa mihi Opportunitas non potuit opportunius
Advenire, quam haec, quae data est mihi opportune
epistola.

Nam haec epistola cornucopiae est, ubi inest quicquid
volo:

Hic doli: hic fallaciae omnes sunt: hic sunt sycophan-
tiae:

Hic argentum est. hic (coniux) amanti herili filio.

210. Centum doctum hominum cōsilia sola haec devincit
Dea

Fortuna. Atque hoc verum est: proinde ut quisque
fortunā utitur,

Ita praeccellet, atque exinde sapere eum omnes dici-
mus.

Bene ubi quod consilium discimus accidisse, hominem
catum

Eum esse declaramus; stultum illum, quoī vortit male.

Certa amittimus; dum incerta petimus: atque hoc
evenit

In labore atque in dolore, ut mors obrepat interim.
Sed iam satis est philosophatum, nimis diu, et lon-
gum loquor.

Di immortales! aurichalco contra non carum fuit
Meum mendacium, hic modo quod subito commentus
fui,

220. Quia mercatoris me esse dixi. Nunc ego hac epis-
tolâ

Deludam, et mercatorem, et qui hanc mihi dedit
epistolam.

Ibid. Scen. IV. v. 17.

CALIDORUS, CHARINUS, PSEUDOLUS,

Cal. Illic homo est. *Ps.* Porridge audacter ad salutem
brachium.

Cal. Dic utrum, Spemne, an Salutem te salutem, Pseu-
dolet.

Ps. Imo utrumque. Epistolam hanc modo intercepi, et
symbolum.

Ch. Quomodo? *Ps.* Horum caussâ haec agitur specta-
torum fabula.

Hi sciunt, qui hic affuerunt: vobis post narravero.

Ca. Quid nunc agimus? *Ps.* Liberam hodie tuam
amicam amplexabere.

Ca. Egone? *Ps.* Tute. *Ca.* Ego? *Ps.* Ipsus inquam: si
quidem hoc vivet caput,

Si modo mihi hominem invenietis propere. *Ch.* Quâ
facie? *Ps.* Malum,

230. Callidum, doctum, qui, quando principium prehende-
rit,

Porro suâ virtute teneat quid se facere oporteat.

Atque eum, qui non hic usitatus saepe sit. *Ca.* Si ser-
vos est,

Numquid refert? *Ps.* Imo multò mavolo, quam libe-
rum.

Ch. Posse opinor me dare hominem tibi malum, et
doctum, modo

Qui a patre venit Carysto: necdum exiit ex aedibus

Quo^{rum} nam, neque Athenas advenit umquam ante hester-
num diem.

Ps. Bene iuvas: sed quinque inventis opus est argenti
minis

Mutuis, quas hodie reddam; nam mihi hujus
debet pater.

Ch. Ego dabo, ne quaere aliunde? *Ps.* O. hominem
oportunum mihi?

240. Manuleatam tunicam habere hominem decet:

Etiam opu^st chlamyde, et machaerâ, et petaso. *Ch.* A
me possum dare.

Sed quid, illo (hominine, quem vis), es acturus? *Ps.*
Dicam, ubi hominem exornavero,

Subdititium fieri ego illum militis Polymâchaeroplacidis
servom volo:

Symbolum hunc ferat Ballioni cum quinque argenti
minis;

Mulierem ab mercatore abducat, hem tibi omnem fa-
bulam.

Caeterum, quo quidque pacto faciat, ipsi dixero.

Ca. Quid nunc igitur stamus? *Ps.* Hominem cum or-
namentis omnibus

Adducite exornatum ad me iam ad trapezitam Aeschi-
num:

Sed properate. *Ch.* Prius illuc erimus, quam tu. *Ps.*
Abite ergo ocios.

250. Ibo, atque onerabo meis praeceptis hominem,

Quid agat, ne quid titubet, docte ut hanc ferat falla-
ciam.

Act. IV. Scen. II.

BALLIO, PSEUDOLUS, SIMIA Sycophanta.

Ps. Ingredere in viam, dolose: i, et ego hic in insidiis ero.

Si. Habui numerum sedulo: hoc est sextum a portâ proxumum

Angiportum. In id angiportum me devorti insserat!

Quotumas aedis dixerit id ego admodum incerto scio.

Ba. Quis hic homo chlamydatus est? aut unde est?
aut quem quaeritat?

Peregrina facies videtur hominis, atque ignobilis.

Si. Sed ecce, qui ex incerto faciet mihi, quod quaero, certius.

Ba. Ad me adit rectâ: unde ego hominem hunc esse dicam gentium?

260. *Si.* Heus tu, qni cum hirquinâ astas barbâ, responde,
quod rogo.

Ba. Eho! an non prius salutas? *Si.* Nulla est mihi
salus dataria.

Ba. Nam pol hinc tantumdem accipies. *Ps.* Iam inde
a principio probi.

Si. Ecquem in angiporto hoc hominem tu novisti, te rogo?

Ba. Egomet me. *Si.* Pauci istaec faciunt homines, quod
tu praedicas:

Nam in foro vix decimus quisquis est, qui ipsus se
se noverit.

Pf. Salvos sum: iam philosophatur. *Si.* Hominem ego
hic quaero.

Legirupam, inpium, perjurum atque improbum. *Ba.* me
quaeritat

Nam illa sunt mihi cognomenta, nomen si memoret modo.

Quid est ei homini nomen? *Si.* Mercator Ballio.

270. *Ba.* Ipse sum, adulescens, quem tu quaeritas? *Si.* Tunc Ballio?

Ba. Ego enimvero is sum.

Si. Herus meus, tibi me salutem multam voluit dicere.

Hanc epistolam accipe a me, hanc me tibi iussit dare.

Ba. Quis is homo est, qui iussit? *Ps.* Perii: nunc homo in medio luto est.

Nomen nescit: haeret haec res. *Ba.* Quem hanc mississe ad me autumas?

Si. Nosce imaginem, tute eius nomen memorato mihi, Ut sciam Ballionem te esse ipsum. *Ba.* Oho! Polymachaeroplacides

Purus putus est ipsus: novi, heus. *Si.* Polymachaeroplacides

Nomen est. Scio iam tibi me recte deditse epistolam,

280. Postquam Polymachaeroplacidae elocutus nomen es.

Ba. Sed quid agit is? *Si.* Quod homo aedepol fortis atque bellator probus.

Sed propera hanc pellegere, quaequo, epistolam, ita negotium est.

Atque accipere argentum actulum, mulieremque mihi emittere,

Nam necesse hodie Sicyoni me esse, aut cras mortem exequi;

Ita herus meus est imperiosus. *Ba.* Novi: notis praedicas.

Si. Propera pellegere epistolam ergo. *Ba.* Id ago, si taceas modo.

,Miles mercatorí Ballioni epistolam

,Conscriptam mittit Polymachaeroplacides,

,Imagine obsignatam, quae inter nos duo

290. ,Convenit olim.“ *Si.* Symbolum est in epistolā.

Ba. Video et cognosco signum: sed in epistolâ
Nullam salutem mittere ne scriptam solet?
Si. Ita militaris disciplina est, Ballio!
Manu salutem mittunt benevolentibus:
Eàdem malam rem mittunt malevolentibus:
Sed ut occoepisti, perge operam experirier,
Quid epistola ista narret. *Ba.* Ausculta modo,
„Harpax calator meus est, ad te qui venit.
Tunc is es, Harpax? *Si.* Ego sum, atque ipse Harpax
quidem.

300. *Ba.* „Qui epistolam illam fert, ab eo argentum accipi, et

„Cum eo simitu mulierem mitti volo,
„Salutem scriptam dignum est dignis mittere:
„Te si arbitrarer dignam missem tibi“

Si. Quid nunc? *Ba.* Argentum des; abducas mulierem.

Si. Uter remoratur? *Ba.* Quin sequere ergo intrò. *Si.*
Sequor.

*Ibid. Scen. III.**P S E U D O L U S.*

Peiorem ego hominem, magisque vorsute malum,
Numquam aedepol quemquam vidi, quam hic est Simia
Nimisque ego illum hominem metuo, et formido male;
Ne malus item erga me sit, ut erga illum fuit:

310. Ne in re secundâ nunc mihi obvortat cornua.

Si occasionem capsit, qui siet malus.

Atque aedepol equidem nolo: nam illi bene volo.
Nunc in metu sum maxumo, dupliciti modo.

Metuo ne captâ praedâ, capti praedones suant.

Quom haec metuo, metuo ne ille luc Harpax adveniat
Priusquam hinc hic Harpax abierit cum muliere.

Perii, hercle! nimium tarde egrediuntur foras,

Cor conligatis vasis, exspectat meum,

Si non educat mulierem secum simul,

320. Ut extulatum ex pectore aufugiat meo.

Victor sum: vici cautos custodes meos.

Ibid. Scen. IV.

SIMIA cum Phoenico, PSEVDOLUS.

Sim. Ne plora, nescis ut res sit, Phoenicum!

Verum haud multo post faxo scibis.

Non ego te ad illum duco dentatum virum

Macedoniensem qui te nunc flentem facit.

Quocum iam esse te vis maxume ad eum duco te.

Calidorum haud multo post faxo amplexabere

Ps. Quid tu intus, quaeso, desedisti? quamdiu

Mihi cor retunsum' st oppugnando pectore?

330. *Sim.* Occasionem reperisti, verbero,

Ubi perconteris me insidiis hostilibus:

Quin hinc metimur gradibus militariis?

Ps. Atque aedepol quamquam nequam homo es, recti mones

Ite hac triumphi ad cantharum rectâ viâ.

Ibidem. Scen. V.

B A L L IO.

Ha hae! nunc demum mihi animas iu tuto est loco.

Postquam iste hinc abiit, atque abduxit mulierem.

Libet nunc venire Pseudolum, scelerum caput,

Et abducere a me mulierem fallaciis.
Conceptis, herc'e, verbis, satis certo scio,
340. Ego periurare mavellem me millies,
Quam mihi verba per deridiculum dare.
Nunc deridebo hercle hominem, si convenero.
Verum in pristinum credo, ut convenit, fore.
Nunc ego Simonem mihi obviam veniat velim,
Ut ea laetitiam laetus promiscuam sciet.

*Ibid. Scen. VI.**HARPAX, SIMO, BALLIO.*

Ha. Malus, et nequam est homo, qui nihil imperium
heri
Sui servos facit: nihil est autem, suum
Qui officium facere immemor est, nisi adeo monitus.
Nam qui liberos esse illico se arbitrantur,
350. Ex conspectu heri si sui se abdiderunt,
Luxuriantur, Iustrantur, comedunt quod
Habent; ii nomen diu servitatis ferunt;
Nec boni ingenii quidquam in his est, nisi ut im-
Probis se artibus teneant: cum his mihi nec locus,
nec sermo
Convenit, neque his umquam nobilis fui.
Ego ut mihi imperatum est, etsi abest, hic adesse
herum
Arbitror. Nunc ego illum metuo, quom hic non adest,
Ne, quom assiet, metuam: ei re operam dabo.
Nam me in tabernâ usque adhuc sineret Syrus,
360. Quoi dedi symbolum: mansi, ut iusserat:
Mercator ubi esset domi, me aibat arcessere.
Verum ubi is non venit, nec vocat, venio huc ultro,
Ut sciam, quid rei siet, ne illic homo me ludificetur.

Neque quidquam est melius quam ut hoc pultem, atque aliquem

Evocem hic intus: Mercator argentum hoc volo a me accipiat,

Atque amittat mulierem nunc mecum simul.

Heus ubi estis vos? Ba. Heus Chlamydate! quid istuc debetur tibi?

Ha. Aedium dominum Ballionem quaerito.

Ba. Quisquis es, adulescens, operam fac compendi quaerere.

370. Ha. Quid iam? Ba. Quia te is ipsus coram praesens praesentem videt.

Ha. tun' is es? Ba. Quid vis tibi:

Ha. argentum accipias. Ba. Iam dudum si des, porrei manum.

Ha. Accipe: hic sunt quinque argenti lectae numeratae miniae.

Hoc tibi herus me jussit ferre Polymachaeroplacides, Quod deberet; atque ut mecum mitteres Phoenicum.

Ba. Herus tuus? Ha. Ita dico. Ba. Miles? Ha. Ita loquor Ba. Macedonius?

Ha. Admodum, inquam. Ba. Te ad me misit Polymachaeroplacides?

Ha. Vera memoras. Ba. Hoc argentum ut mihi dares?

Ha. Si tu quidem es

Ballio. Ba. Atque ut a me mulierem abduceres? Ha. Ita,

380. Ba. Phaenicionne esse dixit? Ha. Recte meministi Ba. Mane:

Iam redeo ad te. Ha. At matura, te propera, nam propero: vides

Iam diei multum esse. Ba. Video: hunc advocare etiam volo.

Mane modo istic; iam revertar ad te. Quid nunc fiet Simo?

Quid agimus? manifesto hunc hominem teneo, qui argentum attulit.

Si. Quid iam? *Ba.* An nescis quae sit haec res?

Si. Iuxta cum ignarissumis.

Ba. Aedepol hominem verberonem Pseudolum! ut docere dolum

Commentu'est! tantumdem argenti, quanti miles debuit,
Dedit huic atque hominem exornavit, mulierem qui arcesseret.

Pseudolus tuus allegavit hunc quasi a Macedonio

390. Milite esset. Quid nunc mihi es auctor Simo?

Si. Exploratorem hunc faciamus ludos suppositium;
Adeo donicum ipsus sese ludos fieri senserit.

Ba. Sequere. Quid ais? nempe tu illius servos es?

Ha. Planissume.

Ba. Quanti te emit? *Ha.* Suarum in pugnâ virium
victoriâ.

Namque ego eram domi imperator summus in patriâ
meâ.

Ba. An etiam ille umquam expugnavit carcerem patriam tuam?

Ma. Contumeliam si dices, audies. *Ba.* Quotumo die
Ex Sicyone huc pervenisti? *Ha.* Altero ad meridiem.

Ba. Strenue me hercle iisti. Quam, vide sis, pernix
hic est homo?

400. Ubí suram aspicias, scias posse eum gerere crassas
compedes.

Ha. I in malam crucem. *Ba.* Ire licebit tibi tamen
hodie temporis.

Ha. Quin tu mulierem mihi emittis, aut reddis argentum?
Ba. Mane.

Ha. Quid maneam? *Ba.* Chlamydem hanc commemo-
res, quanti conducta'st. *Ha.* Quid est?

Ba. Quid meret Machaera? *Ha.* Helleborum hisco
hominibus est opus.

Ba. Echo? *Ha.* Mitte. *Ba.* Quid mercedis petasus ho-
die domino demeret?

Ha. Quid domino? quid somniatis? mea quidem haec
habeo omnia, mēo peculio empta.

Uncti hi sunt senes, fricari sese ex antiquo volunt.

Ba. Responde, obsecro, hercle hoc vero serio, quod
te rogo.

Quid meres? quantillo argento te conduxit Pseudo-
lus?

410. *Ha.* Quid istic Pseudolu'st? *Ba.* Praeceptor tuus, qui
te hanc fallaciam

Docuit, ut fallaciis hinc a me mulierem abduceres.

Ha. Quem tu Pseudolum? quas tu mihi praedicas
fallacias?

Quem ego hominem nullius coloris novi. *Ba.* Non
tu istine abis?

Nihil est hodie hic sycophantis quaestus: proin tu
Pseudolo

Nunties abduxisse alium praedam, qui occurrit prior
Harpax. *Ha.* Is quidem aedepol Harpax ego sum, *Ba.*

Immo aedepol esse vis.

Purus putas hic sycophanta est. *Ha.* Ego tibi argen-
tum dedi;

Et dudum adveniens exemplò symbolum servo tuo,
Heri imagine obsignatam epistolam, hic ante ostium.

420. *Ba.* Meo tu epistolam dedisti servo? quoi seruo? *Ha.*
Syro.

Ba. Non confidit: sycophanta hic nequam est: nngis
meditatur male.

Aedepol hominem verberonem Pseudolum! ut doce-
dolum

Commentu'st! tantumdem argenti, quantum miles debuit,

Dedit huic, atque hominem exornavit, mulierem qui abduceret.

Nam illam epistolam ipsus verus Harpax huc ad me attulit.

Ha. Harpax ego vocor: ego servos sum Macedonis militis;

Ego nec sycophantiose quidquam ago, nec malefice:

Neque istum Pseudolum, mortalis qui sit, novi, neque scio.

Si. Tu, nisi mirum'st, Ballio, plane perdidisti mulierem.

430. *Ba.* Aedopol, ne istuc magis magisque metuo, quom verba audio.

Si. Mihi quoque, aedopol, iam dudum ille Syrus cor perfrigefacit,

Symbolum qui hoc acdepit: mira sunt, ni Pseudolum est. Eho

Tu! quâ facie fuit, dudum quoi dedisti symbolum?

Ha. Rufus quidem, ventriosus, crassis suris, subniger, Magno capite, acutis oculis, ore rubicundo, admodum Magnis pedibus. *Si.* Perdidisti, postquam dixisti pedes: Pseudolum fuit ipsus *Ba.* actum est de me! iam morior, Simo!

Saltem Pseudolum mihi dedas. *Si.* Pseudolum ego dedam tibi?

Quid deliquit? dixin', ab eo tibi ut caveres, eenties?

440. *Ba.* Quid nunc faciam? *Ha.* Si mihi argentum dederas, te suspendito.

Ba. Di te perdant. Sequere sis, me ergo hac ad forum, ut solvam.